

U skladu sa odredbama člana 90. Zakona o javnim nabavkama (Sl. glasnik BiH br. 39/14), člana 6. Pravilnika o postupku direktnog sporazuma (Sl. glasnik BiH br. 90/14), člana 8. Pravilnika o postupku direktnog sporazuma (KJKP "Vodovod i Kanalizacija" d.o.o. Sarajevo), te člana 41. Statuta preduzeća, **zaključuje se:**

DIREKTNI SPORAZUM

između:

1. KJKP „Vodovod i Kanalizacija“ d.o.o. Sarajevo, ul. Jaroslava Černija br. 8, Sarajevo (u daljem tekstu Kupac) koga zastupa direktor Enver Hadžiahmetović, dipl.ing.maš.

i

2. „Bosnalijek“ d.d. Sarajevo, ul. Jukićeva br. 53, 71000 Sarajevo, ID broj: 4200598340009 (u daljem tekstu Prodavac) koga zastupa direktor Nedim Uzunović.

Član 1.

Predmet ovog Direktnog sporazuma je:

- Nabavka dezinficijensa.

Član 2.

Roba koja je predmet Direktnog sporazuma će se poručiti putem narudžbe Kupca, a prema ponudi Prodavca od 30.07.2020 godine, koja je sastavni dio ovog Sporazuma.

Član 3.

Ukupna vrijednost predmetne nabavke robe ovog sporazuma iznosi: **5.901,00 KM** (slovima: pethiljadadevetstotinajedan KM), odnosno **6.904,17 KM** (slovima: šesthiljadadevetstotinačetiri i 17/100 KM) sa uračunatim PDV-om, po stopi od 17%, kojeg je Prodavac dužan iskazati na fakturi.

Član 4.

Kupac će za isporučenu robu izvršiti plaćanje na sljedeći način: u roku od 30 dana od dana ispostavljanja fakture, na transakcijski račun Prodavca br. 154001-1100115964 kod Intesa Sanpaolo Banke.

Član 5.

Prodavac se obavezuje da robu iz člana 1. ovog Sporazuma isporuči u roku 24 sata od momenta prijema narudžbenice od strane Kupca.

Član 6.

Robe koje su predmet ovog Ugovora moraju biti u skladu sa kvalitetom naznačenim u usvojenoj ponudi. Prodavac se obavezuje da će robu sa oštećenjima isključiti iz isporuke. Ukoliko se utvrdi da roba koju je Prodavac isporučio ima greške ili nije ugovorenog kvaliteta, Prodavac je dužan robu koja je predmet reklamacije zamijeniti sa novom.

JH

Član 7.

Ako slučaj više sile potpuno ili djelimično spriječi izvršenje obaveza po ovom Sporazumu, ugovorna strana je obavezna da obavijesti drugu ugovornu stranu u roku od 3 dana od nastanka više sile.

Član 8.

Sve eventualne sporove ugovorne strane će rješavati sporazumno u duhu dobrih poslovnih odnosa i uzajamnog povjerenja. Ukoliko se ne postigne sporazumno rješenje nadležan je sud u Sarajevu.

Član 9.

Ovaj sporazum stupa na snagu kada ga potpišu obje ugovorne strane a zaključuje se na period od 12 mjeseci.

Član 10.

Ovaj Sporazum je sačinjen u 4 istovjetna primjerka (po dva za svaku ugovornu stranu).

ZA PRODAVCA



Direktor

Nedim Uzunović

Broj: 9549/20

Datum: 24.08.2020.

ZA KUPCA



Direktor

Enver Hadžiahmetović, dipl.ing.maš.

Broj: DS 53/20

Datum: 13.08.2020

JA